

# BACK TO THE 80's

Diasabra 11 di April den CITY ONE

Caarchi obtenibel na NON STOP CD SHOP  
PREVENTA Afl. 10,-- - NA PORTA Afl. 15,--

No Perde!

## CON NOS MES TA KIBRA NOS MES NA ARUBA

Lesando e informacion cu a sali di e comerciantenan afilia na ARMA, mi a pensa mes ora: "Tur nos comerciantenan cu pa añanan largu ta maneha na negoshi riba nos isla, lo mester bay cera nan porta, y ta masha hopi trahador lo mester worde kita for di trabao".

Esaki mi a conclui ora cu mi a lesa mey mey di e frasenan y den mi mente a mira dos number di compania; un di nan ta Weitnauer, y e otro ta Nuance.

E ora ey mi a dal man na cabez y puntra mi mes: "Ta ciego nos gobernantenan ta? of por ta cu tin interesnan politico y di amistad den e asunto aki? Pakico Arma no a menciona number di e companianan aki y muestra kico ta pasando y kico lo bay pasa?"

**E COMPANIANAN STRANHERO Y NAN CAMOUFLAHE**

E compania Weitnauer ta un compania masha grandi operador di "tax free shopnan" na Europa.

Locual ta pasando ta cu na Europa cu e unificacion di mercado Europeo ta tumando lugar, e mercado cu Weitnauer tin ta bayendo perdi.

Nan a busca pa sali for di Europa y ta andando den hopi pais y na Aruba ta busca pa pone man riba e TUR Tax Free Shop na nos aeropuerto. Locual ARMA no a menciona y kizas nan no tabata na altura di dje, den e revista di e compania di e luna aki mes un di nan ehecutivonan ta bisa cu Caribe ta un paraiso pa Retailernan, (un comerciante minorista) pero cu na aruba tin barera pa por penetra e mercado aki.

E barera ta cu tin prohibicion di construccion di pacusnan nobo y restriccio riba oranan di habri pacus.

Tambe cu na Aruba no por construi mas pacus, y pesey "nos a drenta den aliado cu un grupo local cu ya tin pacusnan y nos lo transforma esakinan den negoshinan orienta riba viajenan."

Tambe a ser menciona den e publicacion cu "no tabata posible pa nos penetra aeropuerto."

### NEGOSHI CU TA EXISTI Y NO TA EXISTI

Kico e publicacion aki a muestra nos? E ta muestra nos cu e compania mester tin na Aruba "un stroman" pa e por a penetra.

El a penetra pasobra e ta bisa den su publicacion cu ya nan tin un total di tres di siete negoshi operando na Aruba.

E compania naturalmente ta opera na Aruba bao di capa o camouflahe comercial di un compania na Aruba cu tin su licencia pa opera.

Pero e number cu ta ser usa, Weitnauer Aruba NV no ta ni existi ni registra na Camara di Comercio.

Con nan lo tuma aeropuerto over?

Ya caba concesionnan a ser duna na yen di negoshi cu lo haya espacio den e terminal nobo cu ni ta construi ainda. Tin hasta menciona cu tin miembro y ex miembro di Raad van Commisarisissen di aeropuerto y consehero di ministro cu a haya "toezegging" pa establece nan negoshi na aeropuerto y cu esakinan lo bin cay sigur tambe bao di e compania cu lo "haci doño" di tur tax free shops den e terminal den construccion.

### NAN TA CUMpra TUR COS PA MATA OTRONAN

Unda e peliger ta sinta?

E peliger ta sinta den e hecho cu Weitnauer, cu su placa por compra tur articulo directo di companianan di marca etc. den exterior, ofrece e articulonnan mas barata den y pafo di aeropuerto y asina mata tur negoshi local cu ta bende e articulonnan aki pa decenas di aña caba.

E compania di exterior lo domina tur negoshi den aeropuerto, domina cantidad di negoshi pafo di aeropuerto y sin tene cuenta cu ningun negoshi cu den tempo bon y tempo malo a tene economia di Aruba na haltu y crea empleo.

Esaki ta e temor grandi cu ta reina cerca e paisnan den Caya Betico Croes y otro pacusnan den Playa y cu ta afilia na ARMA. Nan lo mester cera porta y tambe retira empleadonan pasobra nan no por competi cu un Weitnauer.

### E PAKICO A MENCIONA "NUANCE"

E compania internacional cu tambe ta un duty-free retailer "Nuance Global Traders" a drenta Cayman Islands y a logra haya 51 % di accionnan di e compania local Island Companies, despues cu gobierno a duna permiso pa esaki tuma lugar y usando "permiso di e compania local".

Dos otro empresa a trece e caso aki den corte y a ser muestra cu si "e sector aki di negoshi local (duty free) worde habri pa multinacionalnan stranhero, masha poco lo keda den e pais cu hendenan local por ta doño."

Ta net esaki ta locual lo bay pasa na Aruba tambe cu hopi empresa cu ta bende fragancianan popular, perfume, bebidanan alcoholico, y biñanan, joyas, y holoshi, cigar y cigaria, paña di bisti di marca, sapato etc.

E multinacional tin e placa pa compra tur e articulonnan na gran cantidad den exterior, gana tur placa cu esakinan y laga tur e negoshinan chiquito riba caya.

Na Aruba Weitnauer ta operando caba, aunke usando permiso di otro negoshi y bao di number camufla cu no ta registra ademas.

Ta na ARMA pa cuminsa move, pero manera tur indicacion ta te awor, mucho no por ser haci si tur cos "ta aparenta di lo ta legal" bao di e "capa" cu tur hende conoce, y e bendicion di gobernantenan cu aparentemente no ta considera consehonan seriamente o cu no ta preocupa mes cu e saturacion di mercado, y no ta proteha comerciantenan local tampoco.

Lesando e comunicado di ARMA, mi a mira e peliger aki pa nos empresanan chiquito, principalmente awendia cu rond mundo empresanan gigantesco ta trata di domina tur mercado globalmente, kibrando e chiquitonan di pais pa pais, y esaki ta locual mi ta vislumbra na Aruba, caminda ta un grupito ta bay probecha riba cabez di hopi comerciante local cu trayectoria largo y caminda interesnan politico, di amistad, y interesnan materialistico ta bini na prome lugar, y e otronan? .....Nan por putri si nan kier.

Pero si cos bay malo, e multinacionalnan di exterior ta e prome nan cu ta baha bay, y ta e localnan kibra ta keda cu tur consecuencia.

Juby



## DIOS TA YAMABO

Bin Scucha

### E Palabra di Dios

Presenta pa e

Evangelista Carlos Reyes di Colombia.



Dia 5 - 11 April Di 7:00p.m. - 10:00p.m. Na Centro Di Barrio Dakota.

**BO TEMPO DI CAMBIO  
Y LIBERACION A YEGA**

PA MAS INFORMASHON  
IGLASIA EMMANUEL  
TEL: 827903